



Aningaasaqarnermut, Aatsitassanut, Inatsisit  
Atuutsinneranut Naligiissitaanermullu  
Naalakkersuisoq

Ulloq: 30-03-2022  
J.nr.: 01.31.06/22-00977

## **Aningaasaqarnermut Akileraartarnermullu Ataatsimiititaliap marlungornermi ulloq 30. marts 2022-imi aalajangiineranik Naalakkersuisunut ilisimatitsineq**

**Kalaallit Nunaata kujataani qulimiguulimmik angallassinisaaq pillugu ilassutitut aningaasaliinissamik qinnuteqaat. Ataatsimiititaliap suliaa nr. 01.31.06/22-00977.**

”Naalakkersuisut inassutigaaq,

- Naalakkersuisut Ineqarnermut Attaveqaasersuutinullu Naalakkersuisoqarfikkoortumik Nanortalimmi nunaqarfinni angallassinermi sullissinisaq pillugu Air Greenland A/S-imut isumaqatiginninniarnert naammassissagaat aamma tapiliussatut isumaqatigiissuteqarnissaat, kiisalu Kalaallit Nunaata kujataani qulimiguulimmik angallassinermut pilersaarut isummernissamut tunngavissiamut matumunnga naapertuuttumik iluarsissagaat, Inatsisartut Aningaasaqarnermut Akileraartarnermullu Ataatsimiititaliaata akuerissagaa, aamma
- kontumi pingaarnermi 72.20.05 Ilaasunik angallassinermut tapiissutit, aningaasaliissutit 2022-mi 1 mio. koruuninik amerlisinneqassasut, aamma
- 2022-mut IST-mi angusat 1 mio. koruuninik ajorseriartinneqassasut.”

### **Aningaasaqarnermut Ataatsimiititaliap oqaaseqaatai apeqqutaalu**

Ataatsimiititaliap apeqqutai Ineqarnermut Attaveqaasersuutinullu Naalakkersuisumit akineqarput, soorluttaa Naalakkersuisoq pineqartoq pillugu siunersuuinissamut aggersarneqartoq, tassanilu itinerusumik akissuteqartoqartoq. Akissutit taakku tunngavigalugit immikkut ittumik ataatsimiinnermini ataatsimiititaliap suliassap sularinera nangippaa.

Air Greenlandip isumaqatigiissuteqarfigineqarnera eqqarsaatigalugu aalajangiinermini matumani ataatsimiititaliaq allakkanik marlunnik saqqummiussisaaq. Siullermik allagaq una, ataatsimiititaliap aalajangiineranik ingerlatsitseqqinnerusoq.

Tamatuma kingorna allakkani immikkoortuni akissummik takinerusumik tunngavilersugaasumillu kiisalu malitseqartitsissutitut apeqqutininik Aningaasaqarnermut Ataatsimiititaliaq saqqummiussisaaq. Allakkat taakku sapaatit akunnerata akunnerata uuma naannginnerani Naalakkersuisunit naatsorsuutigineqarsinnaapput.

**Aningaasaqarnermut Ataatsimiititaliap aalajangiinera**

Siuliani allassimasutut oqaaseqaateqarluni Naalakkersuisut inassuteqaataat Aningaasaqarnermut Akileraartarnermullu Ataatsimiititaliamit **akuerineqarput.**

Ataatsimiititaliaq sinnerlugu



Jens Napaattoq

Aningaasaqarnermut Akileraartarnermullu Ataatsimiititaliap siulittaasua